

















ΑΡΕΤΗΣ  
ΚΙΛΙΑ  
ΦΘΟΝΟΣ.

ΠΑΣΙΝ ΕΥΦΡΟΝΟΥΣΙ  
ΣΥΜ-ΜΑΧΕΙ ΤΥΧΗ.

IANI IACOBI  
BOISSARDI  
VESVNTINI  
Emblematum  
liber.

*Ipsa Emblemata ab Auctore  
delineata: a Theodoro de Bry  
sculpta, et nunc recens  
in lucem edita.*

*Francofurti ad Moenum.  
MDXIII.*



ΚΑΛΩΤΑΚΟΥΕΙΝ ΜΑΛΛΟΝ Η ΠΛΟΥΤΕΙΝ ΘΕΛΕ.



A ILLVSTRE ET  
VERTVEVSE DAME CA-  
THERINE DE HEV, FEMME

ET ESPOVSE DE HAVT ET PVIS-

*sant Seigneur Messire Claude Antoine de Vienne,  
Chevalier, Baron de Clervant, Copet, &c.*

Ian Iacques Boissard.

**M**ADAME, d'autant que je me suis apperceu par plusieurs fois, que, cōme estes addonnee à la speculation des choses qui appartiennent à l'instruction de l'ame, avez prins plaisir à la lecture d'un petit livret d'Emblemes que je mis en lumiere il y a environ quatre ans. l'ay estimé estre de mon devoir (pour l'obligation que i'ay à vostre maison, à cause de tant de biens & honneurs que i'en ay receu & en reçoÿ journellement) d'en recueillir un autre volume, les pourrais desquels i'ay interpreté par diverses sentenes, appropriées à la matiere de laquelle traictent lesdits Emblemes, extraictes de divers auteurs Philosophes & Poëtes. Ce que je vous dedie, comme à celle à qui toutes mes estudes se doivent rapporter: m'estimant en cela estre bien honoré, quand il vous plaira de recevoir ce petit œuvre pour agreable, avec tout ce qui peut proceder d'un bon cœur de celuy qui desire demeurer à perpetuité.

*Vostre treshumble & tresob-  
beïssant serviteur.*

A ij            A ELLE

# A ELLE MESME SONNET.

*MADAME, ie vous offre espars en ce volume  
(Comme i'en suis tenu) ces Emblemes divers.  
I'y louange les bons, I'y blasme les pervers,  
I'y blasonne la bonne & maligne coustume.*

*Ce n'est pas que pourtant arrogant je presume  
Acquerir quelque bruit de grand par l'univers.  
Ainçois i'employe ainsi, pour rendre descouuers  
Voz merites á tous, mon compas & ma plume.*

*I'ay façonné ces traicts sur tant de beaux discours,  
Dont vous endoctrinez les vostres tous les Iours,  
Modelant leur bell' ame au patron de vous mesme.*

*Mais si i'eusse eu pouuoir de tracer au burin  
Le pourtrait imité de vostre esprit diuin,  
Madame, i'eusse peinct, pour tout, ce seul Embleme.*

PAVLI



PAVLI MELISSI FRANCI,  
COMITIS PALATINI, EQVITIS  
TORQVATI, ET CIVIS Ro-  
mani, in Emblemata Iani Ia-  
cobi Boissardi.

**B**OISSARDI nitidissimas in ades  
Sese transtulerant nouem sororum  
Frater, Cecropidumq; Diua Pallas,  
Visum vermiculata multiformi  
Arte Emblemata, quateres rotundo  
Composuerat is labore nuper;  
Matronæ CLEREVANTIA dicanda,  
Electa Charitum trium parenti.  
Ut adfabilis, ut Poeta comis  
Est; humaniter accipit Deumq;  
Et Deam hospitio accipit benigno.  
Mirantur decus ac typos venustos:  
His dies, aliisq; peruidendis,  
Vna haud sufficit, Hesperoq; sero  
Pernoctant Lare sub silente Vatis.  
Cæna apponitur. Haud Iouis vocares  
Nectare ambrosiaq; viliores.  
Suauis tempora balsamo rigantur.  
Somnum nox ubi debitum peposcit,  
Vnum ambos penetrat capit; toroq;  
Vno iungit Apollinem & Minervam  
Boissardus, iuuenes Deos maritans.

O quam coniugium hoc sit auspdatum!  
O quam connubium audit hoc beatum!



Petri Lepidi Metensis in Boissardi effigiem à Theodoro de Bry sculptam.


**C**ovs Alexandrum si nobilitavit Apelles,  
 Dum pinxit docta Principis ora manu:  
 Iane, tuum illustrat Theodori industria vultum,  
 Qui tanto heic pictus cernitur artifice.

PHILIP.

# PHILIPPA LA-

ZÆA POLANA IL-

lyrica, in eandem  
effigiem.

 *EM! quid aspicio? labella cui a hac?  
Tincta Cecropio labella melle.  
Cuius sunt oculi lepore pleni?*

*Hac spirantia cuius ora? nonne  
Picta est hac facies mei sodalis  
Boissardi? facilis Camæna cuius  
Manum instruxit, Apollinisq; doctam  
Indulsi citharam. Hercle, Ianus iste est,  
Natus Sequanica Vefuntione.  
Vivis, Iane, igitur; tuosq; vultus  
Expressos tabulis Theoderici  
Totus nouerit orbis. At Pol illos  
Ter sis carminibus tuæ Thaleia  
A morte interituq; vindicasti.*

AD LE-

AD LECTOREM  
BOISSARDVS.

**P**RAVOS, candide Lector, dum libello hoc  
Mores improbo, laudibusq; sanctam  
Virtutem eueho, tu meum institutum  
Prosequere tuo fauore, opinor:  
Et dabis veniam, seueriore  
Si qua iudicio notem: necesse est  
Candenti refecare sepe ferro  
Membrum putre, medela quod nequibat  
Sanare. Hoc puto nemini futurum est  
Molestum. In genere omnia exarant,  
Parcens nominibus. Mouere bilem  
Nulli sum solitus volens sciensue.  
At qui conscius heic suam fricari  
Auster a scabiem manu astimabit,  
In me frendeat; hoc licebit illi.  
Mihi sat fuerit bonis placere.

EMBLE.



# EMBLEMATVM INDEX, ET ORDO.

---

*Francisco à Vienna Baroni Clerenantii.*

- 1 Educatio prima bona sit.
- 

*Gedeoni à Vienna Baroni Copetii.*

- 2 Virtutis tinctura pudor.
- 

*Nicolea à Vienna.*

- 3 Virginis ornatus pudicitia & simplicitas.
- 

*Loidi à Vienna.*

- 4 Nec nihil nec quidlibet.
- 

*Maria à Vienna.*

- 5 Libertas vera est suis affectibus non seruire.
- 

*Claudio Antonio à Vienna Baroni Clerenantii, Copetii, &c.*

- 6 Domat omnia virtus.
- 

*Catharina Henia.*

- 7 Præmium virtutis honos.
- 

*Ioanni Comiti Ringrauo.*

- 8 Fama virtutis stimulus.
- 

*Ioanni Casimiro Comiti Ringrauo.*

- 9 Vita virtutis experts morte peior.
- 

*Othoni Comiti Ringrauo.*

- 10 ΟΥΤ' ΑΡΕΤΗ ΑΤΕΡ ΟΛΒΟΥ ΕΠΙΣΤΑ.
-

# I N D E X.

- 
- Paulo Melisso, Comiti Palatino, Cui Romano.*  
11 Historiâ virtus fit splendidior.
- 

- Petro Gualterio Chabbotio Piſtano.*  
12 Consolatio viuis vita mortuis.
- 

- Petro Lepido Metensi.*  
13 Nemo fortis nisi & iustus.
- 

- Iacobo Santalbino Trecensi, Medico.*  
14 ΑΡΕΤΗΣ ΣΚΙΑ ΦΘΟΝΟΣ.
- 

- Odoardo Bizeto Charleo, Trecensi.*  
15 Omne bonum opus inuidiam sentit.
- 

- Ioanni Posthio, Archiatro Palatino.*  
16 Antiqua nouis semper præfert lior.
- 

- Abrahamo Ortelio, Cosmographo.*  
17 Virtus inuidia fit excitator.
- 

- Dionysio Lebao Bathillio Tricassino, I. C.*  
18 Virtus præcisa valentior.
- 

- Ioanni Durantio, I. C.*  
19 Vir bonus inuidiæ securus.
- 

- Domitio Faino Veronensi.*  
20 Liur tabificum malis venenum.
- 

- Friderico Sylburgio.*  
21 Prudenter tempore & loco.
-

# I N D E X.

---

*Francisco Loyso, Medico.*

22 Sat citò si fa: benè.

---

*Rutilio Saranesa, I. C.*

23 Euentus stultorum magister.

---

*Iacobo Paschario, Medico.*

24 Studio & vigilantia.

---

*Ioanni Lobbetio, I. C.*

25 Labor omnia vincit.

---

*Ioanni Posthio, Archiatro Palatino.*

26 Pace vigent artes.

---

*Lentulo ventidio Nucerino, I. C.*

27 Inuitum qui seruat, idem facit occidenti.

---

*Ioanni Lasicio Polono, I. C.*

28 Vir malus alicno damno suam rem facit.

---

*Lalio Cleopasso Hydruntino.*

29 Malum consilium consultori pessimum.

---

*Veturio Leontio Hydruntino.*

30 Læsa patientia fit furor.

---

*Iacobo Paschario, Medico.*

31 Dulce vitæ condimentum amicitia.

---

*Ludonico Malarmao Vesuntino, I. C.*

32 Amicorum omnia communia.

---

# I N D E X.

---

*Stephano Saugeto Vesuntino.*  
33 Ingratitudine languet amicitia.

---

*Francisco Sarrao Nanceiano, I. C.*  
34 ΧΑΡΙΣ ΑΧΑΡΙΣ.

---

*Petro Fridero Mindano, I. C.*  
35 Prætextu nocentior.

---

*Pomponio Ricto Neapolitano.*  
36 Amor tectus ardentior.

---

*Linio Algerio Nolano.*  
37 Voluptatis vsuræ morbi.

---

*Basilio Charonda Albano.*  
38 Delectat & angit.

---

*Philippæ Laζææ Polanæ.*  
39 Vbi voluptas imperat, illinc extruditur virtus.

---

*Prospero Ventidio Nucerino.*  
40 Ebrius insano est similis.

---

*Nicolao Honllonio Metensi.*  
41 Grande vectigal Parsimonia.

---

*Ioanni Aubrio Trecenti.*  
42 Paupertas lepræ species.

---

*Petro Lepido Metensi.*  
43 Bonorum probum est, virum probum indigere.

---



# I N D E X.

---

*Paulo Melisso, Comiti Palatino.*

44 Vita aulica, splendida miseria.

---

*Fabio Tania Salernitano.*

45 Metus est plena tyrannis.

---

*Dionysio Lebeo Bathillio.*

46 Nulli præstat velox fortuna fidem.

---

*Rudolpho Magistro Medico.*

47 Expers fortunæ est sapientia.

---

*Georgio Bertino Medico.*

48 Mens inconcussa malis.

---

*Friderico Sylburgio.*

49 Spes certissima cælo.

---

*Petro Gualterio Chabbotio.*

50 Mors extra periculum nos collocat.

---

*Iacobo Santalbino Medico.*

51 Virtus est funeris expers.

---

## ERRATA SIC CORRIGITO.

*Pag.* 3. *tit. Francisco.* 13. *tit. tit.* 20. *versu* 6. *truditur.* 20. *stimulis.*  
 24, 16. *in fel.* 25. *tit. Gualterio.* 4. *etenim, dele comma.* 40, 8. *iactitat?*  
 44, 17. *pœnitentia.* 46, 22. *Rutilio.* 47. *tit. Rutilio.* 1. *deciuit.* § 1, 1. *aut*  
*non.* 56, 16. *credulitate.* 66, 16. *quo bemè me.* 71. *tit. Petro Fridero.*  
 72, 12. *excors im.* 76, 19. *quarenda.* 88, 4. *potentiorum.* 13. *maturue-*  
*rint.* 102, 14. *preciosiorew.* 103, 1. *Fortuna.* 3. *sollerte.*





Ο ΒΙΟΣ ΤΡΟΧΟΣ: ΑΣΤΑΤΟΣ ΟΛΒΟΣ.



ΩΣ ΤΕΘΝΗΣΟΜΕΝΟΣ ΤΩΝ ΣΩΝ ΑΓΑΘΩΝ ΑΠΟΛΑΥΕ  
ΩΣ ΔΕ ΒΙΩΣΟΜΕΝΟΣ ΦΕΙΔΕΟ ΤΩΝ ΚΤΕΑΝΩΝ.  
ΕΣΤΙ Δ' ΑΝΗΡ ΣΟΦΟΣ ΟΥΤΟΣ, ΟΣ ΑΜΦΩ ΤΑΥΤΑ ΝΟΗΣΑΣ,  
ΦΕΙΔΟΙ ΚΑΙ ΔΑΠΑΝΗ ΜΕΤΡΟΝ ΕΦΗΡΜΟΣΑΤΟ. ΕΛΛΕ

## I



## EDVCATIO PRIMA BONA SIT.

DEVS optimus maximus conditor & conservator mundi huius, hominem creavit ad imaginem sui, vt ab eo cognosceretur & coleretur. At is per peccatum lapsus, à prima, in qua conditus erat, gratia excidit: illiusque ruina magna Dei misericordia per Iesum Christum generis humani servatorem restaurata est. Nasceretur servi peccati, & per Baptismum, vera & viua fide Christum amplexantes, libertati asserimur. Necessè est igitur à primis cunabulis parvulorum ingenia formare, vt statim edoceantur quales sint. Educatio est secunda natura. Quamvis inveniuntur plurimi, qui parvo cum profectu instituantur à præceptoribus alioquin idoneis, tam depravata est in nobis ratio. Adamas & gemmæ meliores poliuntur, pumex & tophus nulla arte vindicantur à sua ruditate & asperitate. Prima tamen pueri institutio multum ponderis & momenti habet in se. Fieri enim non potest, vt non afficiatur voce docentis. Quod si profectus non respondet diligentiae magistri, verisimile est, sine doctrina illum duplo deteriore futurum. Dum igitur pueritia institutionem potest admittere, nulli parcere labori debent parentes, nullis sumptibus, vt eorum liberi doctrina sapientum excolantur, & ad studium virtutis adducantur. imitati rusticorum industriam, qui arbores tenellas regunt, & plicant pro ut expedit. Quo semel est imbuta recens servabit odorem testa diu.

Francisco



I.



Franisco à Vienna Baroni Clerevantij.

EDVCATIO PRIMA BONA SIT.



**V**tile virtuti est annos assuescere primos,  
 Et tenerum sanctis moribus ingenium.  
 Frangitur incurvanda arbor: virgulta plicantur:  
 Testaque, quo imbuta est, fragrat odore diu.

C 2

VIR-




## VIRTVTIS TINCTVRA PVDOR.

**I**Ngenua puerorum ad virtutem formanda, debent statim à principio modestiæ assuefieri, & deterreri ab omni labe vi-  
 tiorū. Propterea Præceptores diligentes debent in eo incum-  
 bere, vt tenellam istam ætatem ad pietatis studium, & cultum  
 divinæ maiestatis adducant singulis momentis inculcantes,  
 Deo maximè placere, si pueri sese ab omni peccatorum sorde  
 impollutos seruent. Quos si male aliquid egisse, vel audivisse  
 pudeat, decens ille rubor, qui Iuuentutis enascitur genis, vir-  
 tutis est tinctura, & fucus peculiaris. Custos virtutū omnium  
 dedecus fugiens, & laudem maximam consequens verecun-  
 dia est. Sine qua nihil rectum esse potest, nihil honestum. Pro-  
 pterea illi ætati conceduntur plurima liberius, ita tamen, vt  
 cū relaxare animos velint iuvenes, & dare se iucunditati, ca-  
 veant intemperantiam, meminerint verecundiæ. Ludendi  
 enim est quidam modus retinendus, vt ne nimis ab officio re-  
 cedant, elatq; voluptate, in aliquam turpitudinem dilaban-  
 tur: Exempla domestica multū proderunt: Compositi sint  
 parentum mores ad omnem modestiam, pietatem, & virtu-  
 tem: nihil est quod magis moveat liberos, quàm parentum vi-  
 ta. Quòd exemplo illorum fit, id iure fieri putant. Exemplo  
 quodcunque malo committitur: Plerūque enim contingit,  
 vt si malè morati sint adolēscētes, id primæ æta-  
 tis formatoribus merito im-  
 putetur.

Gedeoni

II.



Gedconi à viennabaroni Copetij.

VIRTUTIS TINCTVRA PVDOR.




**V**irtutis tinctura pudor, probat indole recta  
 Esse hominem, & castum denotat ingenium.  
 A vitis teneram aetatem deterret, et in se  
 Calcar habet, doceat quod meliora sequi.

C 3

VIRGI-

## III.




## VIRGINIS ORNATVS PVDICITIA

&amp; simplicitas

**D**Otem splendidam & locupletem filia præparant parentes, quam bonis moribus, pietate, & modestia cultam esse volunt. Pudicitia & simplicitas prima pars est, & præcipua mundi muliebri. Gemmæ, texta serica, aurum, argentum, & reliqua huius generis ornamenta, lenocinia magis sunt voluptatum, quàm ornamenta virginum. Vestium luxus arguit animum parum sobrium, & intuentium oculos ad libidinem sollicitat citius, quàm ad honestam opinionem. Nullo cultu melius ornantur virgines, quàm simplici. Virtus primum locum occupans in animis virginum, admittet securè cultus necessarios, rejiciet indignos, & superfluos. Splendidior tamen ornatum admittet una quæque pro sua conditione & statu, quo uti poterit, non abuti. Æquum enim est ut Principum liberi, & nobilium, quos Deus ad Politia gubernacula legitime vocavit, à reliqua plebe differant cultu corporis: Facit ornatu plurimum ad reuerentiam, quam magistratui bono debet homines, contemptus pannosum comitatur. Differant igitur optimates à reliquo vulgo splendore vestium, pro vniuscuiusque conditione & statu. Modus est optimus, decus ipsum tenere, nec progredi longius. Mediocritas in omnibus necessaria est, & ad omnem usum cultumque vitæ referenda.

Nicolæ

III.



Nicolæ à Vienna.

VIRGINIS ORNATUS PUDICITIA ET SIMPLICITAS.




*S* At dotata venit qua casta est corpore virgo:  
 Inque verecundo cui sedet ore pudor.  
 Cui nec picta auro vestis, nec murice tin<sup>ta</sup>;  
 Sed cultus simplex, & nitor arte carens.

C 4 I. NEC



## III.



## NEC NIHIL NEC QUIDLIBET.

Interrogatus aliquando Philosophus quam Rempubicam existimaret meliorem, respondit eam esse, in qua pietas, & religionis cultus sanctissime observaretur: legesque ita essent constitutæ, vt severitatem clementia moderaretur, & leniret: eamque esse quam Aristocratiam vocant: in qua civitas regitur sapientiorum & meliorum consilio & imperio. Quam autem pessimam diceret. Respondit tyrannidem: quæ vnius solius, ac malè instituti plerumque hominis arbitrio ducitur, cuiusq; conniventia & malo exemplo corrumpuntur civium mores, & per omnem licentiam debacchati impunè quidlibet patrant. Hac ratione arguit moderatione omnia gerenda esse. Nam vt summum ius summa iniuria est: vbi nimia Principis severitas, ibi quoque parùm amoris in subditis. vbi amor, ibi fides. Ita etiam accidit, vt vbi nimia licentia permittitur, ibi quoque genus omne vitiorum pullulet, & nascatur. Quapropter ita legum veneranda maiestas, & severitas servanda est, vt singula peccata pro temporum, locorum, & personarum circumstantiis, admissorumque qualitate corrigantur: societatisque humanæ vincula retineantur in integrum: neque delinquentium ratio veniæ desperatione subvertatur; hypocrisisque vitiorum omnium mater fovetur.

LIBER-



IIII.



Loidi à Vienna.

NEC NIHIL NEC QUIDLIBET



**Q**ua nihil ignoscunt leges dic esse severas;  
Et qua permittunt quidlibet, esse malas.  
Sic par est rerum iustas moderentur habenas,  
Ne quidvis populo sit, licitumve nihil.

D

LIBER-



LIBERTAS VERA EST AFFECTIBVS  
suis non servire.

**N**emo est tam simplex aut rudis, qui servitutem non æstimet esse magnum malum; quique libertatem non præferat magnis vitæ commoditatibus. Quòd ad servitutis nomen attinet, omnes in eo consentiunt, ingenuo viro esse intolerabilem: sed servitutis genuinam significationem pauci considerant. Nam multi corpore servi sunt, qui suis dominis liberiores judicari debent. qui propter bonorum affluentiam, supremamque in servos potestatem, tanta autoritate abusi, effrænes per omnem licentiam sese dant præcipites, patiunturq; se trahi per omne passionum & affectuum inordinatorum genus, superbiam, luxui, iræ odiis, voluptatibus, & eiusmodi monstros serviliter subiecti, ut suorum vitiorum mancipia verè dici possint: Multi sunt qui etiamsi bona præditi sint anima, & bonis moribus optimè eruditi, præstigiis aulicis ita se fascinari permittunt, & deliciis mancipari, ut magnatum vanitati inserviant, & applaudant ita, ut ne horulam suæ quieti liberam relinquât. Quicumque illam auream mediocritatem diligens, prudenter suos affectus librat, & ad amussim regit, & cor suum ab omni excessu repurgat, ratione studioque moderatur animi passiones, is vera libertate frui dicendus est.

Maria

V.



Mariæ à Vienna.

LIBERTAS VERA EST AFFECTIBVS NON SERVIRE.




**A**ffectus quicumque suos sic vincit, ut illos  
Temperet, & studio vel ratione domet,  
Iure potest liber dici, nullumque subire  
Servitium, & vera nobilitate frui.

D 2

DOMAT

## VI.




## DOMAT OMNIA VIRTVS.

**Q** Vicquid videmus, æstimamus, & admiramur, in hoc orbe  
 terrarum, caducum est, & corruptioni subiectum. Imperia,  
 regna, principatus, dignitates, divitiæ, vires, pulchritudo,  
 & cætera ejusmodi tempore florent, & tempore effluunt, &  
 pereunt. Nihil est homini relictu perpetuum. Ita voluit pro-  
 videntia Divina, ut nos à terrenis abstractos, ad cœlestiū con-  
 templationem perduceret. Domat omnia virtus. Nihil tam  
 solidum, nihil tam firmum, quod à virtute sejunctum non la-  
 bet, & sua mole ruat. Sola virtus semper sui similis, & nulli in-  
 juria succumbit: æternitatis filia, gloriā pedissequam ducens,  
 sicut umbram corpus. Ea sola nobilitat, ditat, fortificat, illu-  
 strat & ornat suum sectatorem: non ad horam, diem, vel an-  
 num, sed ad posteritatem illius honestam producens memo-  
 riam; famam dilatat, & gloriam stabilit perpetuam, imo donat  
 immortalitate. Quæcunque autem extra virtutem acquirun-  
 tur, ea bullæ instar aquosæ tumescentia, momento temporis  
 durant; & subito evanescunt, inque nihilum rediguntur. Vir-  
 tus enim est affectio animi conitans, conveniensque, lauda-  
 biles efficiens eos, in quibus est: & ipsa est per se sua sponte, se-  
 parata tamen utilitate, laudabilis: ex ea proficiuntur  
 honestæ voluntates, sententiæ, consilia, omnis-  
 que recta actio.

Claudio

VI.



Claudio Antonio à Vienna Baroni Clerevan-  
tis Copetii, &c.

DOMAT OMNIA VIRTVS.



**N**il iuvat iniustus quaesita potentia bellis:  
Nil genus, aut cauta fraude paratus honos.  
Tempore vaneſcunt ſubito haec: domat omnia virtus,  
Et pulchra mentis nobile conſilium.





## PRÆMIUM VIRTUTIS HONOS.

Virtutem necessariò gloria sequitur. Nihil est ea pulchrius, nihil amabilius; suscepit vita, consuetudoque communis, ut virtute excellentes viros in cœlum fama ac voluntate tollamus: & quæ per virtutem magno animo & elato, fortiter & excellenter gesta sunt, ea nescio quo modo quasi pleno ore laudamus. Quis est qui non admiretur splendorem pulchritudinemque virtutis? Vera laus veræ virtuti debetur. Bonus vir propriè & copiosè laudari sine virtutum cognitione non potest. Eos quorû vita perspecta est in rebus honestis & magnis, & benè de republica meritos, observare & colere solemus. Digna est ipsa virtus gloriatione; tantumque præstat cæteris rebus, ut dici vix possit quid intersit. Altissimum enim locum in homine, & maximè excellentem tenet: tantoque in dominatu locatur, ut omnia prima naturæ hujus tutelæ subjiciantur. In ea satis præsidii est ad benè vivendum, satis etiam ad beatè; satis ut fortiter vivamus, etiâ ut magno animo, & quidē ut nulla re egeamus, semperque simus invicti. Sequitur ut nihil pœniteat, nihil desit, nihil obstet. Ea nec eripi, nec surripi potest; naufragio neque incendio amittitur, neque temporum permutatione mutatur: nulla vi labe factari potest, nec loco dimoveri.

Catharinæ



VII.



Catharinæ Heviæ. Claudii Ant. à Vienna conjug.

PRÆMIUM VIRTUTIS HONOS.




**L**audatos quoties sapiens admittit honores,  
 Præmia virtuti debita jure petis.  
 Nutrit honos artes; & virtus crescit honore:  
 Laudibus & dignum fit sine honore nihil.

D 4

FAMA

## VIII.




## FAMA VIRTUTIS STIMVLVS.

**B**ona fama divitiis ingentibus longè est præstantior. Nō est res ulla tanti, aut commodum ullum ita expetendum, ut viri boni splendorem & famam amittas. Negligere quid de se quisque sentiat, non solū arrogantis est, sed etiam omnino dissoluti: Est hominis ingenui, & liberaliter educati, velle benè audire à parentibus, à propinquis, à bonis etiam viris; & futuræ post mortem famæ, etiam detractō vsu, consulendum est: danda est diligenter opera, vt hominum aures optimo de nobis sermone compleantur. Bona existimatio pecuniis præstat, antiquiorque fit possessionibus gloria. Iactura rei facillè sarciri potest, fama contaminata vix unquam diluitur. Eximiam virtutē honesta fama ultro comitatur: ac generosis animis amor laudum veluti stimulus ad præclara facinora innatus est. Sequitur fama fugientem, & ob id ipsum avidius expetitur ab iis, qui virtutē colunt: quæ non rapitur ut præda, sed tanquam præmium virtuti debitum. Hanc quisquis per contemptum negligit, aut rejicit, is quoq; segniter, & cum fastidio virtutem sequi se arguit. Non solū enim  
honos alit artes, verum & vir-  
tutem.

Ioanni

VIII.



Ioanni Comiti Ringravio.

FAMA VIRTUTIS STIMVLVS.



**V**irtutem stimulis urgendo fama superstes  
 Excitat, atque alacres reddit ad arma manus.  
 Et qui omnem tetrico vultu fastidit honorem,  
 Is quoque virtutem segnius insequitur.

E

VITA

## IX.



VITA VIRTUTIS EXPERS MOR-  
te peior.

**N**atura dedit omnibus hominibus sine discrimine vivendi beneficium, sed benè vivendi munus, sola virtus largitur. Vita non solum bonis; verum etiam malis communis est. Quæ verè vita dici debet, soli virtutis sectatori à Deo Patre lumen conceditur. Vita virtutis expers vita non est, imo ipsa morte peior debet æstimari. Qui virtute præditi sunt, ii immortalitatē assequuntur: Nulla nobilitas constare potest sine virtute: imo sine ea, vita non potest dici vita. Qui nihil aliud habet, quàm majorum stemmata & imagines, opinione nobilis est veriùs, quàm re. At qui virtute præditus est, unde manat omnis gloriæ splendor, germanam ac nativam habet nobilitatem. Nobilitas sola est atque vnica virtus. Cumque illius laus omnis in actione consistat; verbis non spectabitur, sed re ipsa: Virtutis hoc est proprium, æqualem ac parem verbis vitam agere; atque ita vivere, vt omnis oratio moribus cōsonet: Stultè præcipit aliis honestam vitæ rationem, qui quæ aliis præcipit verbis, ab iis ipsa re, & operibus alienum se probat. Vna enim actio virum bonum non indicat, Sed per totam vitam constans, suique semper similis virtus.

Ioanni

IX.



Ioanni Casimiro Comiti Ringravio.

VITA VIRTUTIS EXPERS MORTE PEIOR.



**V**ivere dat Natura homini, bene vivere virtus:  
 Id commune malis, hoc solet esse bonis.  
 Expertem virtutis agunt mala plurima vitam:  
 Languet, & assidua condita morte jacet.

E 2

OYT.






ΟΤΤ' ΑΡΕΤΗ ΑΤΕΡ ΟΛΒΟΤ ΕΠΙΣΤΑ:

**E**Tiamsi virtutis splendor, suos non aliunde, quàm à seipsa radios acquirat, certum tamen est languere virtutem sub paupere tecto: virumque licet benè natum & institutū, si paupertate prematur, facile degenerare, & quasi paulatim prolabi in viam vitiorum: ad quam inducitur, & quasi humeris protenditur indigentia, quæ illum apud omnes reddit inglorium & ridiculū, illius verbis auctoritatem adimit & persuasionem; famam imminuit, & contemptum efficit. Quod seculi corrupti contingit injuria; in quo primum locum obtinent divitiæ. Hæ solæ virum bonum faciunt, etiamsi vitiis omnibus contaminatus sit. Dives quicumque est, statim pius, bonus, nobilis, illustris & gratus omnibus judicabitur. Opes hodie cœlos aperiunt, inferos claudunt, stultis auctoritatem, prophanis honorem conciliant: expugnant urbes, leges corrumpunt, pudicitiam ac fidem prostituunt. Nemo bonus est nisi qui bonis abundat. Multa ingenia candida, integra, & erudita, sive literarum studiis; sive rei militaris peritia, possent quasi alis ad sidera deferri, sed eorum promptitudo compedibus paupertatis in pulvere coercetur; à quibus moveri, aut sese expedire non possunt, nisi stimulus indigentiae pungantur.

Othoni



X.



Othoni Comiti Ringravio.

ΟΥΤ ΑΡΕΤΗ ΑΤ.ΕΡ ΟΛΒΟΥ ΕΠΙΣΤΑ.



**H**aud facile emergunt' qui paupertate premuntur:  
Quos retinet, tanquam compede, tetra fames.  
Immodicis opibus virtus non gaudet: at illa  
Degeneri sordet subruta pauperie.

## XI.



## HISTORIA VIRTVS FIT SPLENDIDIOR.

**V**T clipeus ex lucido politoque chalibe conflatus, si radiis exponatur solaribus, suum duplicat splendorem, quem longè lateque in circunjacètia loca diffundit: haud secus contingit viro virtutibus, ac rebus egregiè gestis illustri: cujus nomen per se satis clarum, si luci committatur historiæ, acquirit duplices radios, quos undique diffusos historica eloquentia transmittit ad posteritatem. Multum est hominem dotatum esse à Deo immortali pietate, justitia, magnanimitate, temperantia, prudentia, aliisque virtutibus quæ magnos reddunt viros, eosque Deo similes efficiunt. Qualitates tamen hæ multo redduntur commendatiores, dum sortiuntur historiographum, tantis dotibus describendis idoneum. Possunt enim fulgetris & tonitrui cœli comparari, quæ certis audiuntur videnturque; momentis, subitò tamē evanescent, nullo in nubibus sui relicto indicio, quo probentur aliquando effulsisse. Benè consultum à Diis immortalibus fuisse Achilli dicebat Alexander Macedo, qui Homerum præconem suarū virtutum nactus esset. Difficilimum est partam retinere fortunam, ne mutetur. Nec minor est virtus quàm quærere, parta tueri.

Paulo

XI.



Paulo Melisso Com. Palat. Civi Roman,

HISTORIA VIRTVS FIT SPLENDIDIOR.



**E**gregius frustra virtus se bellica gestis  
Irstat. & ad laudes nritur ire suas.  
Nō scriptis vulgata ejus sit fama per orbem,  
Et fiat radius clarior historia.

E 4

CONSO

## XII.



CONSOLATIO VIVIS, VITA  
mortuis.

**Q**uantas laudes mereatur bonarum scientiarum cognitio, verbis exprimi non potest. Juvenum enim studia agunt, senectutē oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur: Quos si ipsi neque attingere, neque sensu nostro gustare possumus, tamen eas mirari debemus cum in aliis videamus. Nullus enim civis egregius fieri potest, qui non sit in bonis disciplinis eruditus. Multi cum in potestate essent hostium ac tyrannorum, multi cum in custodia, multi in exilio, dolorem suum doctrinæ studio levarunt. Quis in eo summè elaborandum non arbitretur, ut quo uno homines bestiis præstent, in hoc hominibus ipsis antecellat? Doctrina mores esse non sinit feros. Mortalibus doctrina honori est omnibus. Vir literatus duplo acutiùs videt. Sapiens suas ubiq; circumfert opes. Preciosior enim ipsis opibus est sapientia. Portus infelicitatis doctrina est mortalibus. Vita hominis sine literis mors est, & hominis sepultura: Opes & cætera vitæ hujus commoda, collatione facta cum doctrina, nihil sunt. His literati quantum necessitas requirit videntur. Sed scientiarum thesauros accumulunt. certissimum in rebus prosperis ornamentum, in adversis præsidium:


Et ex quibus fama immortalis, vitæque à  
funere propagari vide-  
tur.

XII.



Petro Gualtero Chabbotio Pictavo.

CONSOLATIO VIVIS, VITA MORTUIS.



PRATER mille homini quæ portant commoda Musa,  
Solamen vitæ, præsidiumque gerunt.  
Et tollunt nigro servatam à funere famam,  
Docto etiam invita vivere, morte datur.

F

NEMO



## XIII.




## NEMO FORTIS NISI ET IVSTVS.

Fortitudo & magnanimitas virtutes sunt verè regix; neque cadere possunt, nisi in animam generosam. Majestas dignitasque regia non vestium splendore, sed prudentia ac fortitudine paranda est. Illi fortes non sunt, qui quovis modo vitam contemnunt, sed qui tanti faciunt virtutem, ut hujus gratia vitam alioqui charam negligant. Fortium virorum est suis affectibus repugnare, justitiam colere, & fortunæ procellas impavido animo perferre. Animus fortis cupiditatum tumultus ratione cōpescit. Excelsi & fortis animi est ingratitude non deterreri à studio benè merendi de omnibus. Magnanimum arguit hominem constans in adversis tolerantia: Fortis animi est mortem cōtemnere, quoties aut inevitabilis necessitas urget, aut causa gravis & honesta suadet. Egregium imperterriti fortisque pectoris est documentum, in causa honesta piaque, nec certam mortem perhorrescere. Magnum faciunt res adversæ, secundæ felicem. Crescit in adversis virtus. Animum vincere, iracundiam cohibere, victoriam temperare, adversarium non tantum non conculcare jacentem, sed etiam adjuvare, fortis est viri, quem non solum magnis comparo, sed deo simillimum judico.


Petro

XIII.



Petro Lepido Metensi.

NEMO FORTIS NISI ET IVSTVS:




**N**emo potest dici fortis nisi iustus: & idem  
Mutuet à sancta robora iusticia.  
Fortis enim iusti officio persistit & instat:  
Servat uterque bonos, perdit vterque malos.

F 2

APETHΣ



## XIII.



## ΑΡΕΤΗΣ ΣΚΙΑ ΦΘΟΝΟΣ.

**V**irtutis comes invidia, plerunque bonos infectatur. Mos enim est hominum, ut nullius laudem tolerant libenter, neque eundem reliquis excellere: invidetur autē virtuti, præstanti, florenti; fortunæ. At invidia virtute parta molesta esse non debet forti viro: cuius virtus hoc modo excitatior redditur, & ad omne bonum opus magis idonea. invidia virtutem sectatur, ut umbra corpus. Hujus vexatione, & punctione redditur vigil, perpetuò excubat in sui defensionem, cogiturque illius stimulis rectæ viæ insistere, & per mille labores progredi ad inaccessible illud gloriæ propugnaculum: quò cum pervenit, securitati se dat perpetuæ: iis enim qui in vita sunt, si quid laude dignum egerint, iis obstat invidia: post funera ut plurimum minùs severè se in defunctos gerit. Compertū invidiam est extremo fine domari. Virtus abunde sui est præmium, quicumque sequatur eventus. Laudibus humanis virtus non eget, ducit enim secum laudem suam & decus. Qui rectè & honestè curriculum vivendi à natura datum confecerit, hunc  
 virtus, invidia superata, immortalem  
 reddit.

Iacobo

XIII.



Iacobo Santalbino Trecensi Medico.

ΑΡΕΤΗΣ ΣΚΙΑ ΦΘΟΝΟΣ.




ΤΗΣ ΑΡΕΤΗΣ  
ΣΚΙΑ ΓΥΙΟΚΟ-  
ΡΟΣ ΦΘΟΝΟΣ  
ΕΣΤΙ ΒΡΟΤΟΙ  
ΣΙ ΗΣ ΚΑΙ  
ΑΝΕΥ ΜΗΔΕΝ  
ΠΡΑΓΜΑ ΚΑ  
ΛΟΝ, ΠΕΛΕΤΑΙ

**V**mbra habet omne suam corpus: sequiturque, praetque:  
Sic secum virtus attrahit invidiam.  
Invidiam sine qua virtus torpescit: at illi  
Ad laudem stimulos suggerit invidia.

F 3


OMNE



OMNE BONVM OPVS INVI-  
diam sentit.

**A**Ranea ex eodem flore suum fugit venenum, ex quo apes fedula dulce nectar conficit. Invidus araneæ naturam secutus, ab iisdem actionibus optimis, quibus vir bonus laudem meretur, suam conflat & textit calumniam; ut plurimum prætextu pietatis & charitatis innocentem opprimens: quod hodie fieri magno bonorum omnium dolore experimur. Nihil enim est tam sanctum, tam sincerum, quod invidiæ moribus non sit subjectum; cum mali suis uacantes odiis & passionibus, sub larva virtutis injuriosi sint justitiæ sectatoribus. Virtus verò, quæ placida est & mansueta, sibi suæ conscia integritatis sinistram Livoris judicium ridet, & procul à se removel, invidum magis dignum misericordia judicans, quàm ira. Si optimorum consiliorum atque factorum testis in omni vita nobis conscientia fuerit, sine ullo metu summa cum honestate vivemus. Conscientia rectè voluntatis, maxima consolatio est in adversis. Nec bono quicquam mali evenire potest, nec vivo nec mortuo; nec unquam à Deo immortalis ejus res negliguntur; neque invidiæ fraudibus intrinsecum detorquentur.

XV.



Odoardo Bizeto Charlæo Trecenti.

OMNE BONVM OPVS INVIDIAM SENTIT



**T**Oxica ab hoc carpit sublimis aranea flore,  
 Dulcia quo parva mella parantur api.  
 Sic quoque virtutem, scelerata calumnia, carpis:  
 Et quod in hac damnes, improbe liver, habes.

F 4

ANTI-

## XVI.



ANTIQUA NOVIS SEMPER PRÆ-  
fert livor.


**D**Um vir meliore ingenio præditus inter homines vivit, non est quòd suæ virtutis præmium expectet integrum. id raro ante mortem cuiquam accidit, vt calumnias malorum suæ virtuti insidiantes non senserit. Virtutem præsentem odimus, absentem quærimus invidi. Mos est hominum, ut nolint eundem pluribus rebus excellere. Non enim invidetur, nisi præstanti florentique fortunæ. Invidentia nihil aliud est, quàm ægritudo ex alterius rebus secundis. Virtuti & gloriæ maxime invideri solet. Est hujus sæculi labes quædam & macula, Virtuti præsentem invidere, ac dignitatis illius florem infringere velle. Sed præter culpam & peccatum, homini accidere nihil potest, quod sit horribile aut pertimescendum. Si virtus dormiat, excitatur ab invidia: præsto quæ adest Princeps fortitudo, quæ bonū virum tanto animo esse coget, ut omnia quæ possint homini evenire contemnat, & pro nihilo putet. Naturale hoc est vitium, splendorem alienum non ferre patienter, semperque absentia præsentibus, antiqua novis præferre:

Et quò quis magis est stolidus, eò magis temerariè de ignotis ferre iudicium  
solet.

Ioanni



XVI.



Ioanni Posthio Archiatro Palatino.

ANTIQUA NOVIS SEMPER PRÆFERT LIVOR.



**G**loria rara venit meritis dum vivimus. ipsa  
 Tum primū à summo funere fama venit.  
 Posthabet antiquis noua livor, & obstrepat ultro.  
 In scirpo nodum quæret, & inveniet.

G

VIRTUS





VIRTUS INVIDIA FIT EXCI-  
tator.

**M**alum & detestabile est vitium invidiæ: quod tamen non sine commodo & aliquo emolumento contingit. Nam præter id quod non minus aliena felicitate discruciat invidus, quàm suo infortunio; in causa est cur vir bonus circumspectius sese gerat in omnibus vitæ actionibus. Contingit sæpius invido, ut sua calumnia obrutus, infamis reddatur: Et qui fragili quærit illidere dentem, infringat solido. Imprudenter is in alterum torquet vitium, si in promptu est quod ipsi vicissim objiciatur. Maledicentia ea contemnenda est, quæ non à iudicio, sed à lingua Maledica injuriosè proficiscitur. Excellentium virorū est, negligere contumeliam, quæ à palam improbis & invidis venit: à quibus etiam laudari turpe est. Si lædatur vir bonus invidiæ dolis, æquo animo ferre debet: cum habeat conscientiam integram: Nihil est melius, quàm memoria rectè factorum, & libertate contentum, negligere humana. Ita vir prudens omnes totius vitæ componit actiones, ut de singulis rationem, si opus sit, possit reddere: Et censuram malorum quamvis difficilem, ferat tamen æquo animo.

Abraha-

XVII.



Abrahamo Ortelio Cosmographo.


VIRTVS INVIDIA FIT EXCITATOR.



EXCitat invidiam virtus: perstringit at illa,  
Corrigit & quicquid segnius ista facit.  
Hujus censura virtus viget, excita ad omne  
Quod cura & studiis aggrediatur opus.

G 2

VIRTVS



## VIRTUS PRESSA VALENTIOR.

Inter reliquas arbores, Palma victoriæ symbolo tribuitur: propterea quod pondus superpositū aut dejiciat insurgens, aut frangatur: Cū alioqui illius rami, longè ac latè sese extēdant, gratum viatoribus præbentes umbraculum. Propterea virtuti dicata est, quæ generosè contrariis obstat & repugnat. Vir fortis & magnanimus natura mitis est, humanus & tractabilis, promptus ad opem ferendā afflictis: at in oppressores & violentos insurgit animosè, & quibus potest viribus illos prosequitur, urget, & atterit. Qui generoso est animo, & res magnas molitur, & suæ Reipublicæ necessarias, nullum scopum sibi proponit alium, nisi ut rem prudenti consilio susceptam maturè perficiat, omne periculum, quod illum ab officio deterrere potest, contemnens. Quod exemplo suo comprobaverunt M. Attilius Regulus, & Themistocles. Ille dum à Cartaginensibus captus esset, missus est Romam cum legatis, qui de permutatione captivorum apud Senatum agerent. Sed cū præcipuam juventutem hostium captivam Romæ videret, utilitati publicæ suam vitam postponens, suasit cōtrarium. Themistocles quoq; ab ingratis civibus Athenis expulsus, ad Persas fugit; à quibus magnis copiis præfectus in Græcos missus est: sed ne quid impium moliretur in patriam, hausto tauri sanguine, mortem sibi conscivit.

Dionysio

XVIII.



Dionysio Lebæo Bathillio Tricassino. I. C.

VIRTUS PRESSA VALENTIOR.



**P**ondere pressa gravi sit palma valentior: atque  
 Impositum duplici robore pulsat onus.  
 Et generosa malis non cedunt pectora: sed quas  
 Objiciant viris hostibus intus habent.

G 3

VIR

## XIX.



## VIR BONVS INVIDIÆ SECVRVS.

**Q**uamvis virtus, felixque rerum successus, & prospera flo-  
rensque fortuna, livoris injuriæ semper sit obnoxia: cer-  
tum tamen est homini bono & integro nihil accidere posse.  
quod illum ab officio divertat. Malevoli intactum nihil relin-  
quunt, nihil intentatum, quod boni viri famam aut expungat,  
aut illi saltem notam inurant: at boni viri famam aut expun-  
gant, aut illi saltem notam inurant: at boni, cum aliquid ele-  
menter, mansuetè, iustè, rectè, moderatè, sapienter factum le-  
gunt, aut audiunt, magno studio incenduntur, ut eos etiam quos  
nunquam viderunt diligant. Quis est qui non admiretur splen-  
dorem pulchritudinemque virtutis? Habet hoc præclara vir-  
tus, ut viros fortes species ejus & pulchritudo in hoste posita  
delectet; ignavos verò torquat & cruciet invidia. Omnia e-  
nim quæ in hominem cadere possunt, subter se habet virtus:  
eaque despiciens, casus contemnit humanos: culpaque omni  
carens, præter se ipsam nihil censet ad se pertinere. Illi non  
multum potest obesse invidia, qui sibi firmissime in virtute, quàm  
in casu præsidium collocavit. Nam omnes vivendi rationes  
in virtute sunt collocandæ: propterea quod sola virtus in  
sua potestate est: Omnia præter eam, sub-  
jecta sunt fortunæ domi-  
nationi.

Ioanni



XIX.



Ioanni Durantio. I. C.

VIR BONVS INVIDIÆ SECVRVS.




**F**ama per ingenuas quasita laboribus artes  
 Lucida neglecta sidera tangit humo.  
 Qua colis ima tene, comes inuide livor honesti.  
 Illa sa à telis evolat alta tuū.

G 4

LIVOR






LIVOR TABIFICVM MALIS VENENUM.

**O**Mne peccatum vitioso homini aliquam speciem utilitatis aut delectationis adferre videtur. Fur ex suis rapinis emolumenta sua facere se credit, & suas facultates augere. Qui inimicitii & iræ suæ indulget, in eum quē odit sæviens, suam explet inclementiam. Libidinosus, si suis amoribus potiatur, felicissimum omnium hominum se asserit: multi inveniuntur qui voluptatibus vitam posthabuere. Piger, cum otio & luxu diffluit, nonne se Deorum vitam æmulari jactitat. Et qui gulæ deditus est, quis eum credat velle suam turpitudinem, effrænæque ventris cupiditates cum omni Philosphiæ studio permutare? Ita de omnibus vitiis judicari potest. Sola invidia sibi ipsi supplicium est, gehenna, & carnificina: suo veneno marcescit, cor suum rodit & conficit. Nihilque in suis cruciatibus consolationis recipit, nisi brevem, ac cito evanescentem in alieno infortunio lætitiā: quod exiguum est lucellum, si cōferatur cum eo dolore, quo ringitur & conficitur ex felici fortuna eorum quibus invidet. Invidia Siculi non invenerē tyranni majus tormentum. Probè hoc à Diis immortalibus comparatum est, ut invidus suo veneno contabescat, sibi que supplicium adstruat.

Domitio



Domitio Faino Veronensi.

LIVOR TABIFICVM MALIS VENENVM.



**O**Mne malos vitium iuvat, aut delectat: habetque  
Quas ad perniciem conferat illecebras.  
Sola sibi pestem diris cruciatibus infert:  
Suppliciumque sibi concitat invidia.

H

PRVDEN-

## XXI.

PRVDENTER TEMPORE ET  
loco.

**P**Rudentia est rerum expetendarum scientia. In qua duo vitia plerunque inveniuntur. Vnum, cùm incognita pro cognitis habemus, iisque temerè assentimur. Quod qui volet effugere, ad res considerandas, adhibere debet & tempus & diligentiam. Alterum vitium est cùm nimis magnum studium, multamque operam, in res obscuras & difficiles conferimus, easque non necessarias. Cùm autem hæc virtus maximè sit accommodata societati humanæ; prudentem virum non oportet esse morosum, non difficilem, neque alienæ simplicitatis contemptorem. Sed ut proximo profit, sese quàm potest aptissimè, accommodabit; nunc severitatem comitate leniet, nunc tristitiam lætitia moderabitur: omnesque actiones tempori & loco congruas reddet. Est ubi loquendum severiùs, est ubi blandiùs, est ubi magnificentiùs, est ubi submissiùs, est ubi iucundiùs, est ubi duriùs. id si fiat citra perfidiam, prudentia est; quæ tutissimus est murus: neque enim collabitur, neque proditur. Multa sunt incommoda in vita, quæ sapientes commodorum compensatione leniunt. Stulti & imprudentes nec vitare venientia possunt, nec ferre præsentia.

Friderico

XXI.



Friderico Sylburgio.

PRVDENTER TEMPORE ET LOCO .



ΒΟΥΛΗΝ ΔΕ ΠΑΝΤΟΣ  
ΠΡΑΓΜΑΤΟΣ ΠΡΟ-  
ΛΑΜΒΑΝΕ. ΒΟΥ-  
ΛΗΣ ΓΑΡ ΟΡΘΗΣ  
ΟΥΔΕΝ ΑΣΦΑΛΕΣΤΕ  
ΡΟΝ.

**Q**uod gerit hac larvam, non est ut fallat: at ille  
Aptat personam casibus atque locis.  
Lata est & tristis, quoties occasio poscit:  
Temporibus vultus commodat illa suos.

H 2

SAT




## SAT CITO SI SAT BENE.

NVllum animæ frænum potentius dare possumus, quàm prudētiam : quæ nullo alio modo efficacius regitur, quàm consilio & ratione. Huic temeritas est contraria. Priusquam rem aggrediaris, cōsulito; vbi consulueris ; maturè factò opus est. In captandis consiliis, festinatio, rationis inimica, mentis perstringit oculos. At istud est sapere, non quod ante pedes modò est videre, sed etià illa quæ futura sunt prospicere. Quod præcipiti via certum deserit ordinem, lætos non habet exitus. Festinandum est, sed lentè. Non potest in eo esse succus diuturnus, quod nimis celeriter est maturitatem assecutum. Etsi utile est subitò sæpe dicere & agere; tamē illud utilius, sumpto spatio ad agitandum paratiùs atque accuratiùs dicere & agere. in rebus gerendis nūquam consideratur quàm citò, sed quàm benè. Non potest is verum à falso discernere, qui inconsideratè, dum non opus est, rem aggreditur : tantoque periculosior est celeritas imprudens, in rebus magnis, quòd earum exitus est periculosior, ruina maior, & potentia longissima. Vt quisque maximè perspicit quid in quaque re verissimum sit; quiq; acutissimè & celerrimè potest videre & explicare rationem, is prudentissimus ritè haberi potest.

Francisco



XXII.



Francisco Loysio Medico.

SAT CITO SI SAT BENÈ.




**A**ggreditur quisquis peragendum opus, esse videndum  
 Noverit, ut benè rem, non cito ut expediat.  
 Discat is à tarda lentum testudine gressum;  
 Et simul à celeri papilione levem.

H 3

EVEN-






### EVENTVS STULTORVM MAGISTER.

**T**Emeritas stultitiam comitatur; citiusque inconsultum hominem præcipitat in periculum, quàm animadvertat. At feræ sunt hominum lamentationes, prorsusque vituperandæ, quas occupatas in iis lugendis cernimus, quæ vitio suo & inconsiderantia contigerunt. Ita fit ut eventus sit stultorum magister, qui nunquam nisi icti sapiunt. Turpissimum est eum, qui ad Rempublicam administrandam vocatur, temeritatis & imprudentiæ redargui. quæ vitia sine magno periculo civitatis in eum qui magistratum gerit, non cadit: fitque sapius ut imprudens non solum suæ fatuitatis, & inanimadvertentiæ pœnas gerat, sed totam civitatem in cômune trahat excidium. Neque satis tutum est priusquam initium rectè consideraveris, de exitu consilium capere. Præterita reprehendi possunt, corrigi non possunt. Scitum est, periculum ex aliis facere, tibi quod ex usu fiet. Sapienter cogitant, qui temporibus secundis casus adversos formidant. Omnes, cum secundæ res sunt, tum maximè secum meditari oportet quo pacto adversam ærumnam ferant. Serò sapiunt, qui imprudentia sua in periculum lapsi, pœnitentia & dolore sese cruciant.

Stulti enim est dicere non  
putabam.

Reutilio

XXIII.



Reutilio Saravesæ. I. C.


EVENTVS STVLTORVM MAGISTER



**H**Æc docuit prima tentare in flore iuventa,  
 Cum tibi tot palmas detulit alta Croton.  
 Quæ doceat serò, turpi discenda pudore,  
 Stultorum euentus multa magister habet.

4

STVDIO




## STVDIO ET VIGILANTIA.

SI superflua sollicitudines vituperanda sunt, negligentia quoque aliud extremum vitium non minorem meretur reprehensionē. Vita enim hominis nihil aliud esse debet, quàm assidua occupatio circa res pias, honestas, & necessarias, tam publico statui, quàm privato. Inter ea autem quibus sese præclara ingenia debent occupare, Philosophia, liberaliumque artium scientiæ primum locum habere debent: quòd ex iis comparetur animorum instructio, & eruditio, morum præcipua: quibus rebus nihil est quod meritò præferri possit. Nam cum Philosophiæ partes variæ sint; una de vita & moribus tractat: alia creaturarum rerum naturam & ordinem docet: tertia disserit rationibus quid verum & quid falsum sit, quid rectum aut pravum. Quæ singula in se habent satis quod ad bene formandum hominis animum faciat; & delectationem summam pariat. Tota enim frugifera est, tota utilis, & voluptate plena. Ea enim hominem primum ad Dei cultum, tum ad modestiam, magnitudinemque animi erudit: eademque ab animo, tanquam ab oculis, caliginem depellit: Talis est Philosophia, cui qui pareat, omne tempus ætatis possit sine molestia degere. At in ea conquirenda, studio & vigilantia est opus: assiduo partalabore venit.

Iacobo

XXIII.



Iacobo Paschario Medico.

STVDIO ET VIGILANTIA.



**M**agnificas secum studium & vigilantia laudes  
 Promovet, armigera premia grata Dea.  
 Quod cristata notat torva super agide cassis,  
 Noctuaque aggestos qua premit ungue libros.

I

LABOR



## LABOR OMNIA VINCIT.

**D**Eus nobis omnia vendit labore. Nihil est tā difficile, quod  
 pertinaci labore non possit evinci. Exercitium potest om-  
 nia. Et quæ laboriosa sunt juventuti studia, hæc sunt jucunda  
 senectuti otia. Si quid enim feceris cum labore, labor abit, ho-  
 nestum verò remanet. Sed si quid turpe cum voluptate, turpi-  
 tudo manet, voluptas abit. Vigilando, agendo, & benè consu-  
 lendo, prosperè omnia cedūt. Quapropter necesse est primam  
 statim ætatem laboribus honestis assuefieri, eamq; ad fugien-  
 dum segniciem hortari, quæ mater est omnium vitiorum. hæc  
 non solum morborū genera plurima secum trahit, sed etiam  
 ignominiam, & paupertatem. in cujus rete ignavus dormien-  
 do securè, nihilq; tale cogitans involvitur, unde se nunquam  
 potis est extricare. Blando desidii veneno, virtus paulatim e-  
 victa senescit. Otium & luxus in juvenibus stultitia est, in se-  
 nibus verò crimen. Otium omnia mala docet adolescentes.  
 Otium pulvinar Sathanæ. Qui studet optatam cursu contin-  
 gere metam, multa tulit, fecitq; puer sudavit. & alsit. Dum vi-  
 res sunt integræ nulli labori parcendum, ut aliquando senes  
 laborum messem colligamus. Spe otii sustentatur  
 labor: & laboris condimentum  
 est otium.

Ioanni



XXV.



Ioanni Lobbetio. I. C.

LABOR OMNIA VINCIT.




**N**il tam difficile est, cui non labor imperet: ut non  
assidua cogi sedulitate queat.

Cor gerit incassum stultos: ignaviu questus:

I rarexat culpa quod piger omnis habet.

I 2

PACE



## PACE VIGENT ARTES.

Pax donum Dei est, quod nobis cœlitus mittitur benigna Dei clementia. Pace non solum rerum omnium vbertas fecunda replet urbes, sed ea vigente pietas colitur, legum maiestas & reverentia stabilitur, exercetur Iusticia, vitia, & malorum refrænatur licentia: scientiæ docentur, bonarum artium studia florent; commercia cum peregrinis servantur. Urbes structurarum & ædium magnificentia exornantur, & ingeniosis poliuntur inventis; totaque vita humana, & societas inter homines commodis & iucunditate repletur. Neque sine causa Iovis filia vocata est. cum nihil à Deo immortali ad conservationem generis humani nobis conferatur magis dulce, magis necessarium, pace, & tranquillitate publica: Nihil enim est aliud pax, quam tranquilla libertas: cuius nomen re ipsa tum iucundum est, tum salutare: Ea sublata, leges & iudicia servari non possunt integra, bonæ artes exerceri, iuventus instrui. Denique ea vitata aut eversa, omnes societatis humanæ nervi debilitantur, aut prorsus infringuntur. Nulla salus bello: pacem te poscimus omnes. Nulla fides pietasque viris qui bella sequuntur. Bellis boni corrumpuntur mores, efferantur animi, & omnis disciplina vitatur.

Ioanni

XXVI.




Ioanni Posthio Archiatro Pal.

PACE VIGENT ARTES.



**P**ace vigent artes: aras pax thure vaporat.  
 Pax cœrerem & Bacchum promovet atque fovet.  
 Filia pax Iovis est: & Divum munera nobis  
 Dispensat: placida pace beatus homo est.

## XXVII.



INVITVM QVI SERVAT IDEM FA-  
cit occidenti.

**G**Ladio ignem ne fodito, inquit Pythagoras: flamma enim gladio involuta gliscens, uno momento tenentis invadit manum. Hoc præcepto annuit ira percitum non esse severius reprehendendum. Ira furor brevis est, qua qui correpti sunt, iudicium ac mentem amittunt. Et ut plurimum qui hoc furore percelluntur, ab eo vel sine profectu, vel cum periculo revocantur à benè morientibus. Vbi deest mens, disciplina nihil juvat. Mala perpetrare cogit ira plurima. Et haud tuta in ira consilia capi queunt. Prudentis est aliquando reprehensione uti. hoc docet charitas, hoc jubet amicitia, & humaniores affectus, qui proximi conservationem procurant. In omni tamen reprehensione sexus, ætas, tempus, & conditio illius quem moneas consideranda sunt. Sic juniorem tanquam filium; Seniore tanquam patrem; æqualem ut amicum; potentiorē verò majori iudicio alloquere: amaritudinem reprehensionis multa præfatione & reverentia leniendo, ut benignioribus & attentioribus audiat, quæ dices, auribus. omnia ad ædificationem proximi sunt referenda. charitas nobis scopus sit. Pervicacem verò & moribus perditum quod cures nihil est. Asino scabioso, & scedato sordibus, si laves caput, operam cum lixivio perdes.

Lentulo

XXVII.



Lentulo Ventidio Nucerino. I. C.


INVITVM QVI SERVAT IDEM FACIT OCCIDENTI.



**I**gnem ne gladio fodito: furor haud habet aures:  
 Servare invitum maxima stultitia est.  
 Sic refragantem è scopulo detrudit asellum  
 Rusticus: ingratis nil benefacta juvant.



## XXVIII.



VIR MALVS ALIENO DAMNO  
suam rem facit.

**N**Ecum viro unquam carpito viam improbo. Nec te mali viri societas delectet. Mala mens, malus animus. Dolosum & malæ mentis virum nemo sine noxa aut ignominia evadit. Multi simulatione virtutis efficacius lædunt, quàm si improbi agnoscerentur ab omnibus. Ab his cavetur sedulò, ab illis sine probro & periculo difficile est sese extricare. Simplicitate fucata nihil est pestilentius. Vt hamo inescato pisces, viscatis virgultis aviculæ, sic imprudentes dolosi hominis impostura capiuntur. Nulla vitæ perniciēs major inveniri potest, quàm cùm in malitia inest simulatio. Propterea vir prudēs exactum semper adferet iudicium, dum se in alienam societatem cupit inferere. discernat prudenter dignos ab indignis. Modium salis cum amico comedes, antequam illi tua arcana committas. Nimia credulitas, locum dat imposturæ. Ne nimium fide, inquit Italus, si decipi nolis. Occasio furem facit. Qui malus est, statim abutetur viri boni candore & credelitate; & ex illius damno non verebitur suam rem facere. Fronti nulla fides in plurimis. Nullæ sunt periculosiores insidiæ, quàm quæ latent, sub simulatione officii. Ita se quisque in omni vita gerat, ut prudenter simplex, & simpliciter prudens sit & habeatur.

Ioanni

XXVIII.



Ioanni Laficio Polono, I.C.


VIR MALVS ALIENO DAMNO SVAM REM FACIT.



*S* Tertentis catuli tacito pede captat ab igne.  
*Quas videt assari simia castaneas.*  
*Ingenio est simili quisque sibi consulit, atque*  
*Ex damno alterius propria lucra facit.*

K

MALVM



MALVM CONSILIVM CONSVLTO-  
ri pessimum.

CONsiderati Principis est, consultoribus uti quàm optimis, quoties ad res gerendas sese accingit. Consilium bonum nervus est potentia Regiæ. Visque consilii expers mole ruit sua. Neque assentiendum est iis, qui existimant res vrbanas minores esse bellicis. Quæ in militia Duces aggrediuntur, nisi consilio gerantur, ut plurimum infelices habent exitus: quare expetenda est magis decernendi ratio, quàm decertandi promptitudo. Non enim viribus, velocitate aut celeritate res magnæ geruntur, sed consilio, autoritate, & sententia seniorum, qui rerum usu experientiaque valent. Principes ex optimis consiliarios sibi deligant; qui propriis affectibus, cupiditatibus aut lucro ferri se nō patiuntur: sed qui bono rei publicæ intenti sunt, qui utile ab honesto non separant; quibus pietas in Deum, patriam, & proximum cordi est. Ex temerariis consiliis sæpissime labefactæ sunt excellentes Respublicæ; & regum auctoritas in discrimen adducta. Contingit & aliquando ut malum consilium fuerit consultori pessimū. Quod evenisse olim Perillo, qui sævitiam Phalaridis conflato bove atheno incendit, in quo crematus est inventor, & Tyrannus paulo post. Idem accidit & Thrasio; qui Busiridi suadens, ad eliciendas e cælo pluvias, Iovi sanguine humano faciendum sacrum. Is aquam primus Ægypto dedit. & ad easdem aras Busiris, cum Amphidamante postea ab Hercule jugulatus est.

Lalio

XXIX.



Lælio Cleopasso Hydruntino.


MALVM CONSILIVM CONSVLTORI PESSIMVM.



Consultor per sepe malus, dum suadet iniqua,  
 Consilioparitur parta pericla suo.  
 Quod docuit quondam taurifabricator aheni:  
 Et iugulo Phariis qui dedit hospes aquam.

K 2

LÆSA



## LÆSA PATIENTIA FIT FVROR.

Nemo tam abjecti animi vir est, nemo tam vilis conditionis homo, qui irritatus aliena injuria, non cupiat violentiam à se repellere. Pulchra virtus est patientia: sed eam Italus Asininam vocat. Veterem ferendo injuriam invitas novam. Pusillanimitas malorū proterviam excitat ad malè agendum. Contumeliosi è ciuitate extrudendi. Qui alteri parat exitum, eum scire oportet sibi paratam pestem, ut participet parem. Sux quisquē utilitati servire potest, dummodo sine alterius injuria fiat. Qui bonus est vir, is potius suum fert incommodum, quàm damno alieno suam rem faciat. Rei familiaris amplificatio nemini nocens, non est vituperanda; sed fugienda semper est injuria. Detrahè aliquid alteri, & hominem hominis incommodo suum augere commodum, magis est contra naturā, quàm mors, quàm paupertas, quàm dolor, quàmque cætera quæ corpori vel rebus externis eveniunt. Vitent potentiores violentiam neque sui commodi causa noceant alteri: sed se legibus æqui ac recti contineri sciant; quæ hoc spectant, hoc volunt incolumem esse civium conjunctionem. Qui volunt in inferiores imperium gerere, bonos imitentur pastores; qui tondent pecus non excořiant. Præficiuntur auctoritate divina Principes populo, ut eorum potentia boni defendantur, puniantur mali. Qui secus facit, indignus est imperio.

Veturio



## XXX.



Veturio Leontio Hydruntino.


LÆSA PATIENTIA FIT FVROR.



**V**El lovis ante ocnlos aquilam scar: beus inultam  
 Non finit: ira ullum: nescit habere modum.  
 Mentem offensa agitat sanam: patientia læsa  
 Fit furor: & rabidas vertit ad arma manus.

K 3

DVLCE




## DVLCE VITÆ CONDIMENTVM

## Amicitia.

**A**micitiā rebus omnibus humanis anteponamus. Nihil enim est tam naturæ aptum, tam convniens ad res vel secundas vel adversas. In amicitia enim omnia insunt, quæ putant homines expetenda, honestas glōria, tranquillitas animi, atque jucunditas: ut cū hæc adsint, vita beata sit, & sine iis esse non possit. Amicitia firmissimum est præsidium. Non aqua, non igni, non aëre pluribus locis utimur, quā amicitia. Solem è mundo tollere videntur, qui amicitiam è vita tollunt. Tantum boni est in amicitia, ut ad eam rem perficiendā, deorum atque hominum munera videantur cōcurrere. Coniunctio animorum maxima est cognatio. Idem velle, atque idem nolle, ea firma est amicitia. Amicus est desiderabile nomen, infelicitatis refugium, secretorum receptor, amanda felicitas. Optimam vitæ supellestem sibi comparavit, qui amicos paravit. Sine amicorum benevolentia, neque in adversā, neque in secunda fortuna quisquam vivere potest. Ac propterea colendam amicitiam sapientes affirmant, quod sine ea tutō, & sine metu vivi non possit, ne jucundē quidem. Nullo enim modo sine amicitia firmam & perpetuam jucunditatem vitæ tenere possumus. Vita sine amicitia cæca est, insidiarum & metus plena. Amicus quasi animæ æquus, ab animorum æqualitate dictus est. Est enim amicitia una anima in duobus corporibus.

Iacobo



Iacobo Paschario Medico:


DVLCE VITÆ CONDIMENTVM AMICITIA.



*C*incta est virtutis cestu: candoris amictu:  
Muneribus dives, religione potens.  
Cor patet, & firma est, & scepro nixa benigno  
Simpliciter prudens regnat Amicitia.

K 4

AMICO-



## AMICORVM OMNIA COMMVNIA.

**C**Vi sunt amici, esse sibi thesauros putet. Veros amicos ducito fratrum loco. Honora amicos, tanquam honorares deos. Nummis potior amicus in periculis. Et cùm amicorum communia esse debeant omnia, sibi laborant ipsi, amico qui suo. Ut ignis aurum, tempus ita amicum probat. Amicitiam tueri non possumus, nisi amicos æquè ac nosmet ipsos diligamus. Quibus cùm nostra omnia dicata sint, si quæ honesta nō sunt postulantur, religio & fides amicitiae anteponenda erit. Neque amici vocandi sunt, qui amicitiae scopum in utilitate constituunt. Me ipsum ames oportet, non mea, si verè amici futuri sumus. Barbari sunt & inhumani, qui nihil aestimant, nisi quod sit fructuosum, neque sibi exemplo sunt. Ipse enim se quisque diligit, non ut aliquam à seipso mercedem exigit charitatis suæ, sed quod per se sibi quisque charus est. Quod nisi idem in amicitia transferatur, verus amicus nunquam reperitur. Vna ista sit cautio in amicitia, ut ne nimis citò diligere incipiamus, neve non dignos. Digni autem sunt amicitia quibus in ipsis inest causa cur diligantur: ut virtus, pietas, eruditio, comitas, & cetera ejusmodi bona animi. Amandum est, sed usque ad aras. Inter bonos tantum constat amicitia. Quæ inter malos concordia contrahitur, & associatio licet firma ad tempus, conspiratio non amicitia vocanda est.

Ludovico.

## XXXII.



Ludovico Malarmxo Vesuntino. I. C.

AMICORVM OMNIA COMMVNIA.



AMICITIAM TV  
ERI NON POS  
SVMVS NISI  
AEQVE AMICOS  
AC NOSMETIPROS  
DILIGAMVS.

**C**oelo animam, patria vitam debemus: amicis  
Omnia: sed certa conditione tamen.  
Sancta deus pietas sacrari poscit, & aris:  
Cetera non laeso numine, amicus habet.

L

INGRA-





# INGRATITVDINE LANGVET amicitia.

SI amare nihil aliud est, nisi perpetuò consentiens voluntas & desiderium procurandi quę necessaria sunt, aut utilia nostris amicis, nullo nobis emolumento proposito, quod ad nos redeat, eos qui sordida ingratitude sua commoda tantum quærunt in amicitia, captantes quavis occasione, tempore, & loco sua lucra, neque reciprocā in commune conferunt voluntatem & studium, dicemus falsò vsurpare tam sanctum & laudabile nomen amicitiae. Nihil est tam inhumanum, tam immane, tam tetrum, quàm committere ut beneficio non dicam indignus. sed victus esse videare. Neque solum gratus debet esse, qui accepit beneficium, verumetiam is cui potestas accipiendi fuit. Eodem animo debetur beneficium, quo datur. Improbis est homo, qui beneficium scit sumere, & reddere nescit. Nihil enim magis alienum ab humanitate, & ea morum comitate, quæ inter bonos esse debet, quàm benefactis alienis rem suam cumulare, nec quicquam cuiquam reddere, si reddendi facultas adsit. At cui gratia referri non potest quanta debetur, habenda tamen est, quantam maximam animi nostri capere possunt. Cùm amici, de quo meritis esse videris, facultates ita tenues sunt & exiguae, ut par pari referre non possit, voluntatem sinceram pro facto accipere viri boni est.


Stephano

XXXIII.



Stephano Saugeto Vefuntino.

INGRATITVDINE LANGVET AMICITIA.



O *Efficiū ingratus nullo qui senore pensat,  
Orchomeni faciles non habet ille Deas.  
Sed cribro similis: per aperta foramina cujus  
Integra si fundas flumina, tota fluent.*

L 2

XAPIΣ



## XAPIΣ. AXAPIΣ.

SERò beneficium dedit, qui roganti dedit. Carè emit beneficium, qui precibus extorsit. Qui citò dat, bis dat. Gratia celer dulcissima: quæ verò tarda est, ingrata est gratia. Si quod bonis confertur beneficium non perit, quæ benè collocata est gratia, preciosus est thesaurus. Nihil sordidius, nihil vilius abjectiusve, aut viro bono magis indignum, quàm semper accipere, & nullam reddere gratiam; imo si facultates ferant, duplum rependere. Hujus sententię memor esse debet homo ingenuus. Accepta memineris, data obliviscere. In conferenda gratia non considerabimus, quod à plerisque fieri solet, ut ei benè faciamus, à quo duplum nobis reddi speramus. Hoc boni viri officium est, ut quisque opis nostræ maximè indigeat, ita ei potissimum opitulemur. Multi liberales in promissis, tenaces in collatione beneficii. Plurimi beneficii collati memoriam exprobratione, odiosave commemoratione labefactant. quo nihil ingratus inveniri potest. Ingratus est, qui accepisse beneficium se negat quod accepit: ingratus est qui dissimulat, ingratus qui non reddit: omnium ingratus qui oblitus est: odiosus qui exprobrat, aut qui assidua commemoratione benefacti gratiam debitam imminuit. Similis est capellæ vitiosæ, quæ cùm hero quotidie mulctram lacte plenam dederit, nisi caveatur, eam pede impulsam subvertit, aut exonerata alvo stercore lac fœdatum corrumpit.

Francisco



Francisco Sarræo Nanceiano. I. C.

XAPIC AXAPIC.




ΚΑΛΟΝ ΘΗΣΑΥΡΙ  
CMA ΚΕΙΜΕΝΗ  
ΧΑΡΙC  
ΧΑΡΙΝ ΛΑΒΩΝ,  
ΜΕΜΝΗCΟ: ΚΑΙ  
ΔΟΥC, ΕΠΙΛΑΘΟΥ

**Q** Vi cito dat, bis dat, cantant proverbial: sicut  
Α' χάρεις ἀβέβητους ἀχάρεις ἐστὶ χάρεις.  
Munera quæ tardo veniunt pede munera non sunt.  
Nam, quæ hac commendat, Gratia nulla subest.

L 3

PRÆTEX-



## PRÆTEXTV NOCENTIOR.

**T**Otius iusticiæ nulla est capitalior pestis, quàm eorum, qui cum, dum maximè fallunt, id agunt, vt viri boni videantur. Hypocrisis teterrimum est vitium; qua societatis humanæ, omnisque amicitia vis corrumpitur & concidit. Cumque in omnigenere hominum reprehendenda sit, in iis abominanda meritò debet esse, qui suas iras, inimicitias, ambitionemque; prætextu pietatis & religionis tegunt & satiant: animæ malæ & incendiariæ, seditionum & discordiarum fomites tecta fraude ferentes. Iusticiæ pars præcipua est non violare homines. Nihil à iusticiæ officio magis est alienum, quàm inferre injuriam. Nihil tetrius aut inhumanius, quàm nocere charitatis simulatione. Inimicum apertum fugimus & cavemus illius violentiam. In hypocritæ calumnias & injuriam citius impingimus & labimur, quàm animadverterimus: Si potissimum auctoritate & potentia, vel sanctimoniam inter bonos excellant opinionone. Eorum violentiam difficilius evitare possunt oppressi, quò plures habeant suæ improbitatis fautores, etiam inter bonos, quibus larva integritatis imponunt. Nihil tam inhumanum, tam deformem, tam illiberale videtur, quàm ad summum imperium summam acerbicatem naturæ adiungere, & illi belluinæ crudelitati larvampietatis induere.

Petro





Perro Friderico Mindano. I. C.

PRÆTEXTV. NOCENTIOR.



**N**ulla est iustitia pestis capitalior i illis  
 Larvata apparent qui pietate boni.  
 Quo plura intulerint incautis damna nocentes,  
 Inde illi laudis plus meruisse volunt.

L 4


AMOR



## AMOR TECTVS ARDENTIOR.

**D**ifficilimum est juventutem intra limites sui officii continere, ac stolidæ illius ætatis refrenare passiones & affectus, qui eo magis æstuant, quò magis teguntur. Nulli hominum, aut saltem paucis, natura datum est, vt eodem tempore multo amore inflammetur, & prudens sit. Amore iudicium pervertitur, mens in diversum distracta, non potest imaginari quæ recta sunt & necessaria. Fluctuat omnis amans. Vis magna mentis, blandus atque animi dolor amor est. Quæ res nec modum habet, nec consilium; ratione modoq; tractari non vult. Amorem sectari solent cura, ægritudo, dolor. Amori accedunt hæc vitia, insomnia, ærumna, error, & terror, & fuga, ineptia, stultitiaque adeo, & temeritas, incogitantia, excors, immodestia, petulantia, cupiditas, & malevolentia. Inhæret etiam aviditas, desidia, injuria, inopia, contumelia, & dispendium. Improbe amor, quid non mortalia pectora cogis? Cruodelis amor, cujus parva flamma primo vapore delectat; at fomento consuetudinis exæstuans immodici ardoris totum hominem perurit. Amantes amentibus haud absimiles; qui seipsum nesciunt, & quid agant ignorant. Libertas quoniam nulli jam restat amanti; Nullus liber erit quisquis amare volet. At quisquis in primo obstitit pepulitq; amorem, tutus & victor fuit. Qui blandimento dulce nutriuit  
malum, serò recusat ferre, quod  
subiit jugum.

Pomponio



Pomponio Ricio Neapolitano.

AMOR TECTVS ARDENTIOR.



**D**ifficile est rapidam frenis cohibere iuventam:  
 Sape est auriga noxia, saepe rotis.  
 Conduplicat vires tectus vehementius ignis.  
 Quoque magis regitur, tum magis ardet amor.

M

VOLV.




## VOLVPTATIS VSVRÆ MORBI.

**N**ihil feruilius abjectiusque est, quàm voluptatibus obnoxium videri. Insaniam aufert medicus; voluptas cum æquè mentem eripiat homini, vix sanabile malum est. Nulla capitalior pestis hominibus à natura data est, quàm voluptas. Nam ex hoc fonte prodit quicquid est in hominum vita scelerum & calamitatum. Voluptati inhonesta parata est comes pœnitentia. Quàm optimè hoc natura comparatum est, vt hæ duæ res sese invicem comitentur, voluptas & dolor. Luxu nihil turpius: Libido pecudem ex homine reddit. Fluit voluptas, & prima quæque evolat; sæpiusque relinquit causas pœnitendi, quàm recordandi. Plerique propter voluptatem, & parvam & non necessariam, tum in morbos graves, tum in damna, tum in dedecora incurrunt: sæpe etiam legum, iudiciorumq; pœnis obligantur. Quò major est voluptas, eò magis mentem à sua sede & statu dimovet. Quapropter qui voluptatibus ducuntur, & se vitiorum illecebris, & cupiditatum lenociniis dederunt, ad Reipublicæ gubernacula non sunt admittendi. Fieri enim non potest, ut animus libidini & cupiditati deditus, prudentia valere, consilio prodesse, & discernere verum à falso possit; nedum aliis consulere, cum sibi ipsi sit inutilis.

Livio

## XXXVII.



Livio Algerio Nolano.

## VOLVPTATIS VSVRÆ MORBI.




*S*perne voluptatem: multorum est esca malorum.  
 Sollicitus mæror cui solet ire comes.  
 Illius usura morbi, dolor, angor, egestas;  
 Et pudor, & nudo corpore pauperies.

M 2

DELE-





## DELECTAT ET ANGIT.

NVlla capitalior pestis, quàm corporis voluptas, hominibus à natura data est. Imitatrix enim boni est, malorum mater omnium: cujus blanditiis corrumpuntur quæ natura bona sunt. Esca malorum est voluptas, qua homines capiuntur ut hamo pisces. Venientes voluptates fucata specie blandiuntur, abeuntes autem pœnitentiâ ac dolorem relinquunt. Ex earum affectibus ferè omnis humanæ vitæ perniciēs nascitur; cui à natura parata est comes tristis pœnitentia, ac dolor. Voluptates blandissimæ dominæ, sæpe majores partes animæ à virtute detorquent. Virtutes maximas jacere oportet, voluptate dominante. Huic qui deditus est, illi omnia sensu non ratione judicanda sunt; eaque dicenda optima quæ sunt suavissima. Nemo est dignus nomine hominis, qui unum diem totum velit esse in voluptate. Omnis nostra cura debet in hoc versari semper si possumus, ut voluptatis fomenta, & dulces illecebras à nobis submoveamus: Nobisque persuasum esse debet, si Deum, hominumque societatem, ad quam nati sumus, velimus colere, ut nihil iniuste, nihil libidinosè, nihil incontinententer faciamus. Honestà bonis, non occulta querenda sunt. Ea suavitas quæ ex voluptate emanat, statim in amaritudinem convertitur, delectatio in dolorem.

Basilio

## XXXVIII.



Basilio Charondæ Albano.

(DELECTAT ET ANGIT.



VOLVPTATES VE-  
NIENTES, FVCATA  
SPECIE BLANDI  
VNTVR: ABEVN-  
TES AVTEM, POE-  
NITENTIAM AC  
DOLOREM HOMI-  
NIBVS RELINQVNT

*S*picula sentit apum, dum dulcia mella requirit  
Condita in Hybleis stultæ puellæ favis.  
Sic quoque delectat damnosa angitq; voluptas;  
Inque suis celat spicula mille favis.

M 3

VBI



VBI VOLVPTAS IMPERAT ILLINC  
extruditur virtus.

**I**mpedit consilium voluptas, rationi inimica, ne habet ullum cum virtute commercium. Propterea in voluptatis regno virtus non potest consistere. Nihil altum, nihil magnificum ac divinum suscipere possunt, qui suas omnes cogitationes abjecerunt in rem tam humilem, tam turpem, tam contemptam. Omittendæ sunt omnes voluptates, relinquendus luxus, & mollia delectationis studia, quæ homines à virtute alienos reddunt. Perniciosa sunt ea blandimenta, quibus sopita virtus suum amittit splendorē. Cùm enim corpore constemus & animo, non minorem curam animi quàm corporis habere debemus. Duplex est vis animorum, una pars in appetitu posita est: altera in ratione, quæ docet & explanat quid faciendum, fugiendumve sit: ita sit ut ratio præsit, appetitus verò obtemperet, si animus sit integer. Animi morbi sunt cupiditates immensæ, non solum gloriæ, divitiarum, dominationisquæ, sed etiam libidinosarum voluptatum, quæ animos excedunt, conficiuntquæ curis, iudicium pervertunt, nec permittunt ullam cum virtute associationem aut commercium.


Contraria enim tenent, neque ulla utriusque  
potest evenire convenientia.

Philippæ



Philippæ Lazæ Polanz.

VBI VOLVPTAS IMPERAT ILLINC EXTRVDITVR VIRTVS.



**R**egnat ubi molli luxu satiata voluptas,  
 Illic virtuti non datur esse locus.  
 Namque hæc diversis committunt prælia signis.  
 Perpetuasq; gerunt amba inimicitias.

M 4

EBRIVS




## EBERIVS INSANO EST SIMILIS.

**H**OMINI intemperanti venenatū est vinum. Ab infano minime differt ebrius: & hic & ille mente capti, in vxorem, liberos, amicos & proximum quemq; sine discrimine seviunt. Vino forma perit, vino corrumpitur ætas. Vinum mors memoriæ. Magnum hoc vitium vino est; pedes captat primum, luctator dolosus est. Vno namque modo vina venusque nocent: Vt venus enervat vires, sic copia vini; & tentat gressus, debilitatque pedes. Balnea vina venus corrumpunt corpora nostra, ut vitam faciunt balnea vina Venus. Periculum minùs fugiendum est quam ebrietas. Si unum in locum collata sint omnia mala, cum turpitudine ebrietatis nō erunt comparanda. Omnium perturbationum fons, est intemperantia; quæ est à tota mente, etiam à recta ratione defectio; sic aversa à præscriptione rationis, ut uullo modo appetitione animi regi vel contineri queat. Mente enim rectè uti non possunt, multo cibo & potione repleti. Ab ipsa temperantia, & modesta vitæ ratione transversum unguem non oportet quenquam in omni vita sua discedere: multo minùs in beluinas istas ingurgitationes sese provolvere, quibus similes imò peiores brutis homines redduntur.

Prospe-



XL.



Prospero Ventidio Nucerino.

EBRIVS INSANO ET SIMILIS.



**E**brivus insano est similis: vinumq; cicut a  
 Est homini. Hoc atas formaq; culpa perit.  
 Luctator vaser est, & decipit arte dolosa:  
 Nam primum captat debilitatq; pedes.

N

GRAN-


## XLI.

GRANDE VECTIGAL PARSI-  
monia.

**V**ictus cultusque corporis ad valetudinem referantur, & ad vires, non ad voluptatē. Esse oportet ut vivas, non vivere ut edas. Tantum cibi & potionis accipit vir frugi, ut reficiantur vires corporis, non ut opprimantur. Iucunditas enim victus est in desiderio, non in satietate. Nihil indignius est homine, quam sui ventris mancipium fieri, & turpis crapulę subire jugum. Victus moderatus grandis est homini sobrio thesaurus. Si res tua non sufficit tibi, tu parcendo fac ut sufficias rei tuę. Bene est cui Deus obtulit, parca quod satis est manu. Serviat æternum, qui parvo nesciet vti. Qui necessariis contentus est, vilem sibi facit annonam. Quod vult habet, qui vellet quod satis est potest. Et is minimo eget mortalis, qui minimum cupit. Quod satis est cui contingit, nil amplius optet. Divitię grandes homini sunt vivere parcē æquo animo: neque enim est usquam penuria parvi. Auream quisquis mediocritatem diligit, tutus caret obsoleti sordibus tecti, caret invidenda sobrius aula. Omnibus enim in rebus quę tractantur in vita, modum quandam & ordinem adhibentes, honestatem & decus conferuimus.

Nicolao

XLI.



Nicolao Houllonio Metensi.

GRANDE VECTIGAL PARSIMONIA.



**D**ivitiæ grandes homini sunt vivere parce:  
 Dives cui rerum suppetit usus, erit.  
 Si non sufficiat tibi res tua, contrahæ sumptus:  
 Angustaq; rei sic benè sufficies.

N 2

PAV PER

## XLII.



## PAUPERTAS LEPRÆ SPECIES.

Omnes hoc liberè fatebuntur, paupertatem non esse vitium: Quicumque tamen pauper est, inglorius & ferè infamis est apud omnes. Pauperi nulla est autoritas, nulla fides. Pauperum vani solent esse sermones. Pauper licet doctus, prudens, & probè eruditus, gratiam ditiorum mereri nunquam videbitur. Paupertas per se nihil mali habere dicitur: comitem tamen habet semper secum contemptum. Nil habet infelix paupertas tristius in se, quàm quòd ridiculos homines facit. Tantùm fidei quantùm nummorum. Paupertas à lepra non est absimilis: ab utraq; qui tenetur, fugitur ab amicis & consanguineis. Multa vilia & servilia negotia liberos homines & ingenuos paupertas agere cogit: ob quæ misericordiam potius quàm odium mereri videntur. Amicus hospes si pauper est, primo die admittitur, secundo foetet, tertio extruditur. Paupertas ut per se non est improbanda, habet tamen in se, quo efficaciter egenos moveat, & pelliciat ad malè agendum. Malè suada famens est. Nullum ad turpitudinem virgini lenocinium fortius est paupertate. Vir prudens, etiamsi divitiis inhiare non debeat, paupertatè tamen, quantùm potest, dum fugit, facit benè. Labem enim turpem virtuti inurit egestas. Et genus & virtus, nisi cum re, vilior alga est.

Ioanni

## XLII.



Ioanni Aubrio Trecensi.

## PAVPERTAS LEPRÆ SPECIES.



**P**auPERTas vitium non est: sordet tamen omnis  
 Pauper, & egregio semper honore caret.  
 Est lepræ species: qua si tenere, propinquum  
 (Excuses quamvis omnia) nemo volet.

N 3

BONO-



## XLIII.




BONORVM PROBRVM EST, VIRVM  
probum indigere.

**C**Vi patrimonium nimis exiguum relictum est à parentibus; nec illi ad necessarias res sufficit; cui fortunæ, bello, imposturis aut violentia aliena creptæ sunt: qui in egestatem stoliditate socordia, ingluvie, desidia, aliave culpa incidit, opesque, quas prius habuit, decoxit, cum magno adversario conflictatur: Quacunq; causa paupertas hominem invadat, semper gravis, semper onerosa, semper opprobriis plena existimatur. Externis quidem bonis homo non fit melior: nulla tamen virtus suum retinebit decus in egestate. Mendicitas onus est intolerabile: à qua quò magis distabis, beatorum iudicabere. Vitam quæ faciunt beatiorum, res non parta labore, sed relicta. Nulli vitio dari debet ea si bi parare quæ defunt, Paupertas multis portam claudit ad honestas actiones. Nonnunquam etiam ad res indignas quasi humeris protrudit. Durum & intolerabile onus egestas. In extrema inopia constitutis, difficilimum est emergere: Qui tamen pauperes sunt sine culpa sua, contemnendi propterea non sunt, si boni viri sunt. Horum indigentia ditioribus probro esse debet. Bono beneficiû conferre, boni viri est. Quod benè fit bonis haud perit: nati sumus non nobis, sed patriæ, sed amicis, sed virtute ac pietate præditis.

Petro

## XLIII.



Petro Lepido Metensi.

BONORVM PROBRVM EST VIRVM PROBRVM INDIGERE.



**Q**ui probus est, & eget, probro illi non fit egestas:  
 Indites probrum manat id omne bonos.  
 Largiris quodcunque probro, tibi grata vicissim  
 Id virtus multo fœnore restituit.

N 4

VITA

## XLIH.



## VITA AVLICA SPLENDIDA


miseria.

**M**El amarum comedit, cibosq; aloë tinctos; captiva libertate fruitur, jugum compedesque aureas trahit, splendideque miser dici potest, qui aulicis victus illecebris, sui juris esse nunquam potest. Is si cōferat potentiorū fastum, & fastidia, ingratitudinem superbam, & contemptum quem cogitur tolerare, cum omnibus deliciis & voluptatibus aulicis, sentit suam conditionem non multum differre à servis, qui ad ergastula detruduntur. Infelix est illa felicitas, quæ hominem liberum subicit passionibus & pravis affectibus stulti divitis, spe levis præmioli, vel inanis gloriæ proposita: vel quod omnium turpissimum est, propter voluptates, scelerumque impunitatem; quæ omnia fructus sunt peculiare vite aulicæ: ex quibus, cum maturaverint, morbi, cōtemptus, ignominia, ingratitude, seraque pœnitentia nascitur. Homo ingenuus ad libertatem natus est, & ad eam retinendam natura instigatur: Omnis servitus est onerosa. servire superbis, improbis, insolentibus, violentis & impudicis, intolerabile. Ille liber dici nequit, cui mulier, cui puer, cui improbus imperat: qui nihil jubenti audent negare, nihil recusare. Si poscit, dandum est, si vocat veniendum, si ejicit abeundum, si minatur extimescendum.

Non benè pro toto libertas venditur  
auro.


Paulo

XLIII.



Paulo Melisso Com. Pal.

VITA AVLICA SPLENDIDA MISERIA.



**M**Elle aloëm tinctam comedes, & dulce venenum;  
 Servaque inaurato colla premere jugo;  
 Ac gisti que nurus imitabere quisquis in aula  
 Deperdes misero tempora servitio.

O

METVS



## METVS EST PLENA TYRANNIS.

**T**yrannus omnis inimicus est libertati, & legibus cōtrarius.  
 Nihil aure tyranni violentius; nihil rapidius ad inferendam injuriam. Perpetua formidine fluctuabit, qui tyrannum sequetur. cujus amicitia inconstans & mutabilis, animusque ad iram & vindictam ob levissimas suspiciones proclivis est. Ut tyrannus malus est & improbus, sui similibus aulicis gaudet & delectatur; quibus neque parcit, leviter irritatus. Et cū sciat se ab omnibus metui, omnes quoque suspectos habet, inter metum & spem dubius fertur: nihil non formidat; objectis omnibus, movetur: nihil inausum nihil intentatum relinquit quod non aggrediatur, ut à se contrarios conatus removeat. Magnum est Personam in Republica tueri Principis, qui non animis solū debet, sed oculis servire civium. Non tantum mali est peccare Principes, quantum illud quod permulti etiam imitatores principum existunt. Regis ad exemplum totus componitur orbis. Quæcunque mutatio morum extiterit in Principe, eadem in populo statim subsequitur. Et vitia quæ Principes concipiunt, ea celerrimè infundunt in civitatem: plusque exemplo quàm peccato nocent. Felix fortunatumque regnum, cui bonus Rex imperat, legum fautor, & bonorum morum promotor.

Fabio



XLV.



Fabio Tæniæ Salernitano.

METVS EST PLENA TYRANNIS.



**A**scentatorem penso Dyonysius ense  
 Circumsent regem quanta pericla docet.  
 Si bonus est, positus vivet securior armis:  
 Si malus, instanti est proximus exitio.

O 2

NVLLI

## XLVI.



NVLLI PRÆSTAT VELOX FOR-  
tuna fidem.

Varia est vitæ commutabilisque ratio, vaga volubilisque fortuna. Nihil est tam contrarium rationi, & constantiæ, quàm fortuna. Ea enim non solum cæca est, sed etiam plerumque efficit cecos, quos complexa est. Qui fortuna aspirante extolluntur, sæpe efferuntur fastidio & contumacia. Nihil est insipiente fortunato intolerabilius: Cæca quoque dicitur, quòd nihil cernat quòd sese applicet. Sæpius sua indignis largitur munera. Insanam illam quoque vocarunt antiqui, quia atrox, varia, incertaque sit, & instabilis. Dat quodcunque libet fortuna, rapitque. Brevis est magni fortuna favoris. Ea vitrea est, & cum maximè splendet, frangitur. Citiùs fortunam invenias, quàm retineas. Nunquam enim magis constans est, quàm in sua inconstantia & volubilitate. Fortunæ muneribus utendum, non fidendum. Quicquid in altum fortuna tulit, ruitura levat. Fortunæ sævo læta negotio, & ludum insolentem ludere pertinax, transmutat incertos honores, nunc mihi nunc alii benigna. Et cum blanditur, tum maximè metuenda est. Quare oblatam utramvis fortunam, iuxta suscipere discat, qui animo esse tranquillo cupit.

Dionysio

XLVI.



Dionyſio Lebæo Bathillio.

NULLI PRÆSTAT VELOX FORTVNA FIDEM.



**D**um nobis fortuna favet, blanditur, & offert  
 Subſidium, nobis eſt metuenda magis.  
 Illiusq; bonis, dum arridet læta, fruamur:  
 Hanc reperire quidem, non retinere licet.

O 3

VIRTVS

## XLVII.



## VIRTUS EST FVNERIS EXPERS.

**Q**Uæcunque in rerum natura conspiciuntur, ea interitui subiecta sunt. Robur, valetudo, divitiæ, forma, dignitates, reliquæque bona, quibus commodè vita hæc transigitur, citò evanescent. nihil est in hoc orbe terrarum quod sit perpetuum: Sola virtus thesaurus est homini constans, & peculium æternum. vitam hanc quam vivimus, si benè consideremus, brevem, dubiam, & inquietam, nomine vitæ non dignabimur, si à virtute remota sit. Prima pars ævi sese nescit; media curis obruitur; ultima molesta senectute premitur. Formæ gloria fluxa est, & fragilis. Gaudia non remanent, sed fugitiva volant. Divitiarū incerta est possessio: opes sunt sarcinæ mentis. Crescentem sequitur cura pecuniam. Robur morbis & senectæ debilitatur. Pauperies obruit hominem probis & infamia. Rari amici, sique fucati & infideles. Ut sunt humana, nihil est perpetuum datum. Debemur morti nos nostraque: Omnes una manet mors. At virtus est immortalis. Nunquam Stygias fertur ad undas incluta virtus. Benè vivere bis vivere est.


Semita, certè, tranquillæ per virtutem patet unica vitæ:

Sola perpetuò manent subiecta nulli mentis

atq; animi bona.

Iacobo

XLVII.



Iacobo Santalbino Medico.

SOLA VIRTVS EST FVNERIS EXPERS.



**D**ivitijs frustra jactant titulosque genus q̃:  
 Qui credunt se istis & sua nominibus.  
 His spes nixa labat: mors hæc rapit omnia secum.  
 De cunctis virtus sola superstes e. it.





## MENS INCONCVSSA MALIS.

CUM sapientia donum Dei sit; nosque à malarum cupiditatum impetu & violentia vindicet; ipsiusque fortunæ injuriam modestè ferre doceat, omnes nobis aperiat vias, quæ ad quietem & tranquillitatem animi ducant; ea nihil esse potest optabilius, nihil præstantius, aut hominè magnanimo dignius. Cùm perceptas penitus & pertractatas humanas res habere doceat, nihil admirari cùm acciderit; nihil antequam evenerit, non evenire posse arbitrari. Itaque Sapientis animus magnitudine consilii, tolerantia rerum humanarum, contemptione fortunæ, virtutibus omnibus septus, vinci aut expugnari non potest. Est enim Sapientis quicquid homini accidere possit, ad id præmeditari, & ferendum modicè, si evenerit: nihil illi videri magnum in rebus humanis: cùm semper animo sic excubet, ut ei nihil improvisum accidere possit, nihil inopinatum, nihil omnino novum. Atque idem ita in omnes partes aciem intendit, ut semper videat sedem sibi in cœlis, & locum sine molestia atque angore vivendi paratum: ut quemcunque in hac terrestri vita casum fortuna invexerit, hunc apertè & quietè ferat. Abstrahit enim nos ab his corruptibilibus, ut firma spe, & vera fide possideamus æterna, & iis fruamur.

Georgio

XLVIII.



Georgio Bertino Medico.

MENS INCONCVSSA MALIS.



**V**T pelagi medius rupes in fluctibus extans  
 Aestum commoti fert benè firma sali,  
 Sic vita qui forti animo est ac mente, procellis,  
 Propositaq; etiâ morte, pericla feret.

P

SPES



## SPES COELO CERTISSIMA VENIT.

**Q** Vicunq; in rebus humanis spem collocat, ille, uti dignus est, sæpe fallitur: exitusque incertos suæque expectationi contrarios experitur. Nihil firmum, nihil stabile est in hac vita. Refugium nostrum & præsidium in adversis tutius est, & loco magis munito repositum, quàm ut ab eo abstrahi aut deijci possimus: nempe in cœlis, ad quos oculorum mentis acie nos penetrare docet Sapiëntia divina: cujus providëntia, & cura vigili ita septi sumus, ut cùm ea nitimur & inhæremus, nihil nobis obesse possit. Nulla mœnia tam sunt munita, quin machinis & suffossionibus, aut, ut nihil horû, proditiõne capiantur. Securitas, quam ex Patris cœlestis recipimus promissis, tanta est, ut spe ac fide inexpugnabili jam fruamur bonis adhuc absentibus. Neque est quicquam, quod nos possit divellere aut separare ab illa charitate, qua nos benignus Deus amplectitur. In rebus humanis ita natura comparatum esse videmus, ut nihil sit ex omni parte beatum, nihil perpetuû. Novit paucos secura quies: & ideo, quamcunque Deus tibi fortunaverit horam, grata sume manu. ad immortalia & cœlestia confugiendum, quæ incertis casibus subiecta non sunt.

Friderico




Friderico Sylburgio.

SPES COELO CERTISSIMA VENIT



*Q*uisquis in humanis rebus spem collocat, audet  
 Adriacos lacerà scindere linte sinus.  
 Si qua tamen restat, nobis certissima cœlo  
 Cernitur, à summis anchora missa Deis.

L.-




MORS EXTRA PERICVLVM NOS  
collocat.

**V**Ita hæc caduca & miserabilis, navigationi periculosa similis est : in qua fluctuamus naufragis plerunque miserius, palmum unum aut duos à morte remoti. Vita data est utenda homini. Optima. quæque dies miseris mortalibus ævi prima fugit: subeunt morbi, tristisque senectus: & labor & duræ rapit inclementia mortis. Longius aut propius mors sua quenque manet. Finis alterius mali, gradus est futuri. Omnium rerum est vicissitudo. Omnia orta occidunt; auctaque senescunt. Qui sapit homo se prius morti quàm vitæ parare debet; atque adeo putare extremum semper adesse diem. Hæc est hominis fors & conditio, ut quàm citò in lucem exeat, moriturus existat. Quis furor est atrâ bellis accersere mortem? imminet & tacito clam venit illa pede. Mors æquat summis infima, involvit humile pariter & celsum caput. Stat sua cuique dies; breve & irreparabile tempus omnibus est vitæ. Fata manent omnes. Nemo tam divos habuit faventes, crastinum ut possit sibi polliceri. Mors ultima linea rerum. vita & mors jure naturæ sunt. Et cùm natura nobis hanc vitam commorâdi diversorium non habi-  
tandi dedit: quæ cùm ærumnis & calamitatibus plena sit,  
mors calamitatum requies putan-  
da est.

Petro



L.



Petro Gualterio Chabbotio.

MORS' EXTRA PERICVLṼ NOS COLLOCAT.




**D**Vm iuvat hanc animam malè fide credere Puppi;  
Atque hinc Scylla minax, inde Charybdis atrox:  
Nunquam erit absque metu ambiguo, immuniisque periclis,  
Dum repetat patriam, sidera summa, domum.

P 3

EXPERTS

## LI.



EX PERS FORTVNÆ EST SA-  
pientia.

Fortunam antiqui coluere ut Deam; dominamque rerum vocarunt: cui attribuerunt ordinationem & dispensationem bonorum omnium, quæ ad hanc vitam pertinent. Nos, qui melius ex sacris literis instructi sumus, referimus omnia ad Dei altissimi providentiam, cujus arbitrio etiam levissima in hoc mundo geruntur. Fortunæ nomen non admittimus. Cum autem antiqui illam volubilem, inconstantem, & levem judicarent, bona quæ extrinseca sunt, illius potestati subjece-  
runt. Quæ cum facile pereant, effluant, & elabantur è possessorum manibus, tamq; dignis quàm indignis sine discrimine cõferantur, vir prudens & cordatus iis utitur ad necessitatē: neq; in iis ullam suæ felicitatis partē constituit, sicut stulti faciunt: Sed à Deo optimo maximo sapientiam poscit, thesaurum omni auro preciosorem; qui auferri neque eripi potest à possessore, summis etiam in afflictionibus constituto. His divitiis & bonis animi fultus, fortunam ridet & despicit. Sapientia enim est rerum divinarum atque humanarum scientia: in qua continetur Dei & hominum communitas, & societas inter ipsos. Hac præceptrice in tranquillitate vivi potest, cupiditatum ardore restincto. Est enim vera sanitas animi; quæ unumquemque docet, ut seipsum agnoscat.

Rudolpho


L I.



Rudolpho Magistro Medico.  
EXPERTA FORTUNA EST SAPIENTIA.



**F**ortuna dubia haud vehitur sapientia cymba;  
Nec vanis fulta est indiga divitiis.  
Sed cura vigili & studio solerte parata,  
In varia rerum cognitione sedet.  
FINIS.



















A-P<sup>24</sup>: [16], 103 [1] 11  
1.146 black for P<sup>24</sup>

